
Тошлоқ тумани ҳокими Абдуқаҳхор Джурабаевнинг туманимизда Коронавирус инфекцияси тарқалишини олдини олиш юзасидан фуқароларга МУРОЖААТИ Хурматли тумандошлар!

Жорий йилнинг 10 июль кунидан 1 август кунига қадар мамлакатимизда кучайтирилган карантин эълон қилинди. Дунёни хатарга солаётган Коронавирусга қарши курашни кучайтириш мақсадида, бу жараёнда туманимиздаги барча фуқароларимизнинг хушёр ҳамда зийрак бўлишга даъват этаман.

Мұхтарам Юртбошимиз Шавкат Мирзиёев раҳбарлигига мамлакатимизда коронавирус пандемияси келтириб чиқарадиган инқизотга қарши курашиш, бу оғатдан ўзимиз, оиласиз ва маҳалламизни сақлаш учун қатъий чора-тадбирлар белгиланмоқда. Бу борада Давлатимиз раҳбари ҳам бир неча бор халқимизга Мурожаат билан чиқди. Ҳар биримиз ҳозирга жараёнда янада жипслашиб, сабр-қаноат, қатъий интизом ва улкан масъулият билан бу масалага алоҳида эътибор қартишимиз лозим.

Президент топшириғига асосан Коронавирус инфекциясини тезроқ бартараф қилиш, карантин даврида фуқаролар хавфсизлигини ва санитария-эпидемиологик осойишталиктин таъминлаш мақсадида Тошлоқ туманида ҳам алоҳида штаб ташкил этилди.

Бугунги кунга қадар туманимизда ҳам короновирусга чалингандик ҳолатлари кузатилди. Бу эса ҳар биримиздан янада огоҳ ва хушёр бўлишилгимизни, тиббиёт ходимлари томонидан билдирилаётган тартиб-қоидаларга қатъий риоя этишимизни талаб этади. Бу ҳолатда туманимиздаги мутасадди ташкилотлар томонидан аниқ чора-тадбирлар амалга оширилмоқда. Жумладан, белгиланган тартибда четдан кириб келган фуқаролар тиббий кўрикдан ўтказилмоқда. Карантинга олинган фуқароларга барча шароитлар яратилиб, доимий тарзда шифокорлар томонидан кечак-ю кундуз қатъий назорат олиб борилмоқда.

Қадрли отахонлар, онахонлар!

Сизлар ҳаётингизда кўпни кўрган, бошингиздан оғир синовларни ўтказган инсонлар сифатида бу мудҳиш касалликнинг оқибатини яхши тушуниб турибсизлар. Уй-жойларингизда, оила давраларида катта-кичик фарзандларингизга ҳам бугуннинг долзарб ва ўта масъулиятили вазифалари аҳамиятини тушунтиринг! Зарурат бўлмаганда ташқарига, кўчаларга чиқмаслик чораларини кўринг.

Азиз ўғил-қизларим, болажонларим!

Ниқобсиз юрманг, зарур иш ва юмушингиз бўлмаса, ташқарига чиқиб, хатарга йўлиқманг. Ўзингизни ва бошқа яқинларингиз ҳаётини ташвишга қўйманг. Тартиб ва интизомга бўйсунинг. Касаллик чекиниши учун ҳар томонлама курашинг!

Фуқароларимизнинг бир-бирларига қадрдонлиги, яқинлиги албатта, ўрганиб, одатга айланган қучоқ очиб сўрашиш, бағрига босиш билан белгиланмайди! Масофа сақланг, мулоқотда эҳтиёт бўлинг. Вирусни юқтириб олиш оқибатини англаб етинг!

Мехрибон опа-сингиллар! Оила бекалари!

Ўзингизни ва фарзандларингиз эртасини ўйланг, уларни ҳимоясига отланинг! Курашчанлигингиз ва иродангиз билан бошқаларга ибрат кўрсатинг, сабрли ва қаноатли бўлинг! Хонадонларингиз саришталиги, покизалиги бугун ҳар қачонгидан ҳам зарур!

Мен барча туман аҳлини белгиланган карантин қонун-қоидаларига қатъий амал қилишлари, айниқса, қарияларимиз, ногирон ва ҳаста ҳол кишилар, ёшларни доимий уйда бўлишлари, асоссиз равишда уйдан кўчага чиқмасликлари, таътилда бўлган азиз фарзандларимизнинг тарбиясига, уларнинг шахсий гигиена қоидаларига қаътий амал қилишга чақираман. Коронавирус балосидан эҳтиёт бўлиш ҳар биримизнинг асосий вазифамиз эканлигини утунмайлик!

1 / 2

Туманимизда озиқ-овқат ва бошқа кундалик истеъмол маҳсулотларининг нархи ошиб кетмаслиги учун шахсан ўзим бошчилигимда, барча чоралар кўрилмоқда. Давлат хизматлари, солик

инспекцияси, прокуратура, Ички ишлар бўлими, кенг жамоатчилик ва фаоллар оёқقا туришган, туманимиз фуқароларининг хавфсизлигини таъминлаш, саломатликларини ҳимоя қилиш, аҳолининг озиқ-овқатдан узилишига йўл қўймаслик, қийин майший турмуш шароитлари бўйича бутун чоралар кўрилмоқда. Ушбу мураккаб жараёнлар алоҳида назорат остида эканлигини маълум қиласман. Шу билан бирга халқимизни туманда озиқ-овқат захиралари етарли даражада мавжудлиги ва ушбу масалада бирон бир муаммо келиб чиқишига йўл қўйилмайди деб сизларни ишонтираман! Ортиқча ҳавотирга берилманг ва ташвишга тушиб, руҳингизни чўқтируманг!

Хурматли фуқаролар!

Ҳар бирингизнинг ҳаётингиз, соғлигингиз учун шахсан Президентимиз, хукуматимиз ҳамда вилоятимиз раҳбарлари алоҳида ғамхўрликлар кўрсатмоқда. Шу билан бирга мен туманда ушбу кўрилган чоралар, албатта аҳолимизнинг саломатлиги ва осойишталигини таъминлаш мақсадида олиб борилаётганлигини таъкидлаш билан яна сизларни бир бор амалдаги қонун-қоидаларга, тартибларга қатъий бўйсимишга чақираман!

Дарҳақиат, кўрилаётган мазкур зарурий ва тезкор чораларнинг барчаси ўзимизнинг соғлигимиз хавфсизлиги учун эканлигини хеч биримиз унутмаслигимиз лозим. Шундай экан азиз тумандошлар, ушбу синовли дамларда тартиб-интизомни сақлаган холда ҳаракат қилайлик. Зеро, дунёда бебаҳо саналган саломатлигимизни асраб-авайлаш ўз қўлимида.

Ҳар биримиз карантин қоидаларига тўлиқ амал қилсак, шу оғир синов даврида ҳам отабоболаримиздан мерос бўлиб келаётган сабр-тоқатлилик, ҳамжиҳатлик, ўзаро меҳр-оқибат каби қадриятларимизни бутун дунё ҳамжамияти олдида яна бир бор намойиш этсак, албатта, коронавирус балосини тез орада енгамиз.

Оғир синовларни ва мashaққатли кунларни бошидан кечирган халқимиз вазиятга тўғри баҳо бериб, уларни мардонавор енгиб ўтишига ишонаман.

Сабрли ва қаноатли бўлайлик!

2020-07-13 18:42:06